

Iscrizions dai 12 ai 15 di Novembar
COMUNICÂ PAR FURLAN,
CORS TE UNIVERSITÂT DAL FRIÛL
Par dipendents publics, personâl dal Ateneu, gjornaliscj

Il Centri Interdipartimentâl di Ricercje su la Culture e la lenghe dal Friûl (Cirf) de Universitât dal Friûl al inmanee pe prime volte un cors, pal personâl assegnât ae comunicazion in lenghe minoritarie, cu la intitule “Comunicâ in lenghe furlane”. Il cors al è indreçât a dut il personâl tecnic aministratîf, ai docents e a dutis lis figuris professionâls dal Ateneu, ai dipendents di Ents e aministrazions publichis e massime ai gjornaliscj e al personâl assegnât ae comunicazion. Il cors, de durade complessive di 18 oris, al è gratuit in grazie dai finanziaments de Leç 482/1999 su la tutele des lenghis minoritariis. Si davuelzarà dai 19 di Novembar ai 5 di Dicembar, cun leziions dôs voltis par setemane di trê oris ognidune.

Si pues notâsi al cors di lunis 12 a joibe 15 di Novembar. Lis informaziions su lis modalitâts di iscrizion si lis cjate tal sît internet www.uniud.it/cirf o al numar di telefon 0432 556480.

Lis leziions – tignudis di docents cualificâts – a trataran argoments relatîfs ae comunicazion tes lenghis minoritariis, al funzionament dai sistemis radiotelevisîfs e ae produzion cinematografiche in lenghe furlane; la ativitât di laboratori e varà une part impuartante, dulà che i corsiscj a podaran disvilupâ lis lôr cognossincis e esperiencis intal setôr de comunicazion in lenghe furlane.